

Universitätsbibliothek Paderborn

Ars Semper Gavdendi

Demonstrata Ex Sola Consideratione Divinae Providentiae Et Per
Adventvales Conciones

Laetitiae Perfectae Artificivm In Conscientiae Recta Efformatione
inuentum, & per Adventvales Conciones expositum ac demonstratum

Sarasa, Alfonsus Antonius de

Antverpiae, 1667

Tractatvs XVII. De securitate quam in hâc vitâ habemus obtentae gratiae,
aut nos esse in statu filiorum Dei.

urn:nbn:de:hbz:466:1-11367

OCTAVVM OFFICIVM CONSCIENTIÆ.

Animam securam reddere acceptæ à Deo peccatorum gratiæ; litteras abolitionis, ut sic dicam, subsignando & porrigendo.

TRACTATVS XVII.

DE SECVRITATE QVAM IN HAC VITA HABEMVS OBTENTÆ GRATIÆ, AVT QVOD SIMVS IN STATV FILIORVM DEI.

Ipse spiritus testimonium reddit spiritui nostro quod simus filij Dei: si autem filij, & hæredes.
Ad Rom. 8. v.16.

Ostenditur Conscientia solius esse, animam certam & securam reddere obtentæ gratiæ. Hæretici volunt certitudinem illam debere esse Fidei: sed refelluntur. Certitudo quam de obtentâ gratiâ habemus, est certitudo moralis. Exponitur, quām illa reddit animam securam obtentæ gratiæ. Denique ostenditur quot modis Conscientia securitatem illam præstet: & explicantur Scripturæ quæ securitatem omnem videbantur animæ denegare.

PRO O E M I V M.

Proacta sunt tandem omnia, quæ ad criminum gratiam obtainendam, pro sacro Dei in terris tribunali, legitimè erant præmittenda. Et quidem facta jam est pœnitenti criminum gratia: authenticæ tantum ei porrigendæ sunt litteræ, quibus munitus, de obtentiâ gratiâ certus sit

Y y 2

tus sit

tus sit ipse, & se quoque posthac contra vim omnem, aut hominum obtrectantium ora possit defendere. Hoc rursus Conscientia est officium; gratiam nempè relatam jam esse, menti legitimè denuntiare, eamque contra infestantum voces munire, sic ut testimonio ab ipsâ dato certa sit: & gratiæ imprimis secura, omnes circa se obortas tempestates videat quasi ex tutâ, & rideat tamquam minimè nocituras. Atque hæc est tandem, quam Conscientia animo præstat, mentis tranquillitas. Tres præcipue habet aduersarios animi pax, & totius hominis læta serenitas. Seipsum imprimis, cogitationes inquam suas, quibus dum variè implicatur mens, de statu suo dubitat, neque sibi ipsi satis acquiescit: hinc angustiæ, hinc suspicione, hinc tœdia: hinc denique vita ipsa, salutis consequendæ tam incerta, fastidiosa fit & tetrica. Secunda tumultuum cauſa, humana sunt judicia sed distorta; convitia nonnumquam, & optima quæque arrodentium dicteria. Tertia est Dœmonis inueterata peruersitas, homini tranquillitatem inuidens, eamque interpellantis vndique; & tum præcipue cum decretoria instat mortis hora, saluti æternæ datura initium. Contra tres tam infestos hostes, pacisque omnis perturbatores, quo pacto Conscientia mentem armet, sic ut tela omnia imperterritus & plagæ immunis animus excipiat, tribus deinceps Tractatibus est peragendum. Nunc verò, quam securitatem sibi ipsi afferat, despiciendum est imprimis: illudque ostendendum, Conscientiæ testimonio certum reddi hominem, gratiæque obtentæ tam securum, ut ne dubitare quidem de hâc re quidquam debeat. Secundò, contra hæreticos demonstrandum, non esse Fidei hanc certitudinem; moralem tamen esse, eamque cui nemo prudens non acquiescat. Tum demum visuri sumus, quibus vocibus tam præclarum Conscientiæ testimonium menti detur; seu quæ signa sint, quæ moralem de obtentâ gratiæ certitudinem, animo inducant.

*Tres hostes
gaudy &
pacis inter-
na.*

s. I.



S. I.

Conscientia est, animam de relatâ à Deo peccatorum gratiâ securam reddere. Hinc de eâ certus est, quisquis Conscientiae securitatem obtinet. Probatur id ex Scripturis, & sanctis Patribus.

1. **O**fficio suo rite dum perfuncta est, Deo pro peccatis à se commissis supplex anima : scelera nimurum perpetrata seriò defestando, eaque, si fieri jam posset, ita penitus abolendo, ut ne in rerum quidem naturâ extituta fuerit tam enormous actio, quâ & Deo, & Dei vicarias partes agenti Conscientia fœdè sit rebellatum: deinde postquam scelera omnia pro Christi tribunali ejusque Vicario Sacerdote, sincerè, & prout à Dei auctorè Conscientia, post serium examen fuere comperta, repræsentata quoque fuerint, sic ut tota pœnitentis cauſa sit in confesso : tum demum Conscientia, quæ judicis interni partes egit hactenus, gratiæ obtentæ securitatem Animæ tandem affert, eiusque tabulas, pœnitenti in manus porrigit. En rei ordinem. Dolet de peccatis reus, & gratiam à Deo peccatori faciem testimoniū suo signat Conscientia, & de ea præstat animæ securitatem.

2. Arque hinc demum, ubi turbata paullò antè erant omnia, maxima liquidissimaque subit animum tranquillitas. Nam vt recte Propheta : *Et erit opus justitie pax, & cultus justitie silentium, & securitas in sempiternum. Et sedebit populus meus in pulchritudine pacis, & in tabernaculo fiducie, & in requie opulentâ.* Quid enim Deus pacis, præter pacem optat ? & peractis jam omnibus quæ justè requirebat, quid aliud expectari potest à tam benigno Numine, nisi pax & concordia, & turbarum quæ totam mentem exagitabant silentium, ac denique magna confidentis animi securitas ? Sanè pax hæc est, quam mundus potest promittere, sed non dare. Exuperat omnem sensum quod exinde nascitur gaudium,

Isaiae 32.
v. 17.

Y Y 3

dium,



542 TRACTATUS DECIMVS SEPTIMVS

dium, inquit Paulus. Et cùm illud Paradisum terrestrem Patres, Ad Phil.
cùm Tabernaculum fiducie vocet Isaias, nil quidquam tamen prae 4. v. 7.
clari dicerent, nisi gaudium hoc quod in mortali corpore vtcum-
que percipitur, arrha etiam esset cœlestis gloria, quæ solos manet
filios Dei. Non mirabor itaque deinceps, tanti facere has sibi à
Conscientiâ porrectas gratiæ tabulas D. Paulum: omnia humana
qui contempsit, & arbitratus est ut stercora, in his tamen gloria-
tur. *Gloria*, inquit, *nossa haec est, testimonium Conscientie noſtre.* 2. Cor. 1.
Ingens testimonii vis, cui gloria tanti Apostoli tota quanta est,
soli innititur. v. 12.

In prenitente-
te testimoni-
um Cor.
scientia, eſi
audicium
intellectu-
quo statuit
ritè apani-
sente pera-
ta omnia.

Si verò quid id sit exquiris; respondeo Conscientiæ testimo-
nium, actum intellectus esse, quō mens sincerè & liquidò statuit,
scientia, eſi omnia ritè peracta esse quæ reconciliationi cum Deo facienda
audicium judicabantur necessaria. Vnde id statim colligit anima, sibi se-
cument, id est cum Conscientiæ judicio, benè esse. Judicat enim tam
in examinandis, quam in detestandis criminibus operam quæ re-
quirebatur esse collatam; judicat denique pro sacro Tribunali
omnia ritè declarata. Atque hinc demum, si Diuinæ pollicita-
tiones veræ sunt & inconcussæ, quibus gratia prenitenti serio pro-
mittitur, rectè sic secum argumentatur mens: Conscientiæ meæ
judicio satisfeci, igitur & Deo à me factum est satis; ac pro-
inde de gratiâ obtenta secura sum, nec quidquam est quod du-
bitem.

Testimonium
Conscientiae
securitate
prestare
probatur
primò ex
D. Paulo
eius locus
tripliciter
exponitur.
Primo.
Secundo.

Tertiò.

Quid enim? An non signatò Paulus affirmat: *Ipse Spiritus*
testimonium dat spiritui nostro, quod simus filii Dei: si autem filii
h̄eredes? per spiritum autem nostrum, vnicuiusque Conscienc-
tiam intelligi docent Diuus Hieronymus, & Origines. Quod si
autem ipsem Spiritus Sanctus Conscientiæ nostræ arrestatur, in
filios Dei assumptos esse nos; sane non est quod de Conscientiæ
testimonio securus non sim, cùm aliud mihi non annuntiet, quām
quod ei à Spiritu Sancto est suggestum, eiusque testimonio &
auctoritate confirmatum. Jam verò, si cum Græco textu legere
libuerit, *Ipse spiritus contestificatur spiritui nostro*, seu Conscientiæ,
quod simus filii Dei; tum sane hunc sensum elicio. Quotiescum-
que Conscientiæ ita satisfactum est, ut illa testetur filium Dei esse
me, filius Dei verè sum: etenim contestificatur Spiritus Dei
spiritui nostro; id est, testimonio Conscientiæ calculum adjicit,
illudque probat. Aut si Conscientiæ auctoritatem & fidem adhuc
altius

3.

4.

Ad Rom.
8. v. 16.

altius placet extollere, sic locum hunc intellige. *Spiritus contestatur spiritui nostro*, id est, Spiritus Sancti & Conscientiae testimonium in hac causâ, vnum idemque sunt, neque alterum sine altero aut testatur, aut securitatem præstat, fidemque facit pœnitenti. Nescio quo pacto rem hanc explicem, nisi istud dixerim, Conscientiam esse, cui absolutionis datæ tabulas subsignandas committit Deus. Et prout, in forensi Senatu, nihil quidquam reo securitatis dat diploma Regium, quod gratia delicti conceditur, nisi à summo Præside visum fuerit & verò etiam subsignatum; sic ut hu-
ius signatura contestificetur Princeps voluntati: ita nequidquam peccatori concessa est criminum gratia, neque de obtentâ potest esse securus, nisi à Senatus priuati & interioris Præside Conscien-
tiâ, rei benè feliciterque cum Deo peractæ testimonium obtineat. Hoc si consequitur salua & secura sunt omnia. En quanta Con-
scientia sit auctoritas. Itaque si scire desideras, quo in statu res-
tuæ sint, Conscientiam adi, Deo à secretis est: nec quidquam in
Diuinis est tabulis à te quod exigatur, nisi quod illa subscripsit,
suoque testimonio approbavit. Rursus si an male tibi cum Deo sit
aues intelligere, si quorum scelerum in cœlesti curiâ reus sis ex-
quiris; adi Conscientiam, tabulas ad manum habet, edicet clara-
re omnia; & quæ non edicit debita, non exiguntur. Denique si de
reconciliatione an facta sit, vis esse securus, ipsam interroga; & si
fausta nuntiet, acquiesce, & viue securus tui.

5. Neque sanè, hæc sine Sanctorum Patrum approbatione adstruc-
tæ. Certe D. Basilius in Regulis breuiter disputatis, breuibus quidem, secundo et
D. Basilius in regulis breuiter disputatis, breuibus quidem, secundo et
sed neruose rem stringit. Quæres, inquit, quâ ratione persuaderi possit animæ cuiquam quod à peccatis sit libera? Respondet: Si quis in seipso, animi affectionem similem Davidi inesse animaduertit: apud quem est; Iniquitatem odio habui. It' abominatus sum ut
verè dicere possit: Non adhæsit mibi cor prauum tunc sine dubio credat se esse liberum à peccato. Ita disertè D. Basilius. Con-
scientiam itaque conueni & consule. An illa judicat, Voluntatem commissa delicta sincerè detestari? deinde non adhærere tibi cor prauum, seu rursus relabendi desiderium; contra verò, omnia deinceps acturum te ex Conscientia mero rectoque dictamine? hoc si testimonium tibi dat, tunc ex mente D. Basili, sine condonata. dubio credas te liberum esse à peccato. Mundamnè, & ab omni labe prorsus puram Conscientiam an obtineas, eamque cui tutò fides adhi-

544 TRACTATUS DECIMVS SEPTIMVS

adhiberi possit, scire si desideras; ipsam interroga an actionem vilam habeat, quam tibi posthac subito & confessim possit intentare, nullo deinceps instituto criminum examine; seu an alicuius, quod expositum Confessioni non sit, sceleris recordetur. An sciat inquam interroga: non vero an per scrupulos agitata, quidquam sinistri adhuc latere suspicetur. Deinde roga disertè, an sciat aliquam adhuc delinquendi voluntatem superesse. Quod si vtrumque neget, *sine dubio crede te à peccatis liberum esse.* Nam ut mani-
festè Isidorus, rem totam egregiè confirmans, sine hæsitatione
asserit, *Conscientia munda est, que nec de preteritis justè accusatur; nec de presentibus injustè delectatur.* Justè inquit, ac-
culatur; & rectè: nam scrupulorum suggestiones injustè sunt, neque tam accusations censendæ, quām conuictia &
calumnia, quibus se turbata mens insanè impedit, & miserè in-
cassum torquet.

Isidor. I. 1.
Soliloq.

6.

Denique scire vis an Deo gratus sis; an accepta quæ agis, &
clarè vt loquar, an Gratia statum dignitatemque obtineas? Cer-
tè alia alii tibi signa porrigit, è quibus id possis conjicere, sed
Pura Con-
scientia se-
curitatem
præstat ob-
tenta gra-
cia.

nullum Conscientiæ testimonio evidentius & securius. Testem
appello D.Bonauenturam in commentariis Theologicis. Ita ha-
bet. *Dicendum quod quamvis de meritis non habeatur certitudo per*
scientiam necessariam; haberi tamen potest certitudo per probabilem
conjecturam, & per quandam ipsius bone voluntatis confidentiam,
que consurgit ex Conscientiâ. Puritas enim Conscientie, que introdu-
citur per expulsionem culpe, dat ipsi animæ quandam securitatem &
certitudinem de merito jam inchoato (en securitatem obtentæ gratiæ)
& per consequens, certitudinem de præmio consequendo. Quid in rem meam dici potuit accommodatius? plura profectò mihi
dat D.BonaVENTURA, quām petieram; non enim præsentis tantum-
modo statu, & gratiæ, sed & futuri gloriæ securitatem, è Conscienc-
tiæ testimonio petendam afferit.

D. Bon. ia
3. dist. 26.
a. 1. q. 5.

7.

Acquiesce-
dum igitur
est testimo-
nio Con-
scientia.

Igitur si Conscientia judicat, res tuas ex mente Dei fluere, ei
sine dubio crede, eiusque testimonio fidem da. Neque enim te
vñquam decipiet, nisi & hoc etiam tacitè suggerat, sic tamen vt
intelligas, mentiri se & fallere. Igitur acquiesce bonâ fide testan-
ti Conscientiæ; ejus enim judicio acquiescit ipsem Deus. Hinc
tantâ fiduciâ cum Deo agit Joannes Apostolus, agendumque à
nobis docet. *Charissimi, inquit, si non reprobenderit nos cor no-*
strum,

1. Ioan. 3.
v. 21.

*Arum, fiduciam habemus ad Deum, esse nos nimirum acceptos
Deo, neque debere offendit eum pertimescere, quos Conscientia
non reprehendit.*

8. Atqui si res meæ cum Deo, loco sint optimo; si Conscientiæ ^{& vinen-}
^{dum latè.} pacem obtineo, ejusque nitor testimonio; quid demum in hâc
vitâ requiro ulterius, ut meipso contentus viuam? quid me va-
nis suspicionibus nequidquam torqueo, & pacem quam in mani-
bus habeo, sollicitudine vanâ interturbo? denique quid mihi ti-
mendum est, ubi Deum habeo mihi propitium, & pro me, con-
tra fuitiles agitationes animi, testimonio suo stantem Conscien-
tiæ? prorsus nihil. Acquiesce igitur, & teipso fruere, conten-
tus te. En tandem ut Conscientia, veram solidumque tran-
quillitatem animo afferat, hoc unico instruta testimonio, quid
simus filii Dei.
8. Summa consolationis, inquires, sunt hæc omnia; eaque quæ
in hâc miserâ vitâ beatitudinem mortalibus prästare possent:
nisi Sacris litteris viderentur aduersari; adeoque dici hæc non
tam vere, quam magnificè. Quid enim tritum magis, & ma-
gis tamen expauescendum, quam istud Ecclesiastæ, sunt justi
^{Eccl. 9.} atque sapientes; *¶* opera eorum in manu Dei: *¶* tamen nescit
^{V. 1. 2.} homo an amore an odio dignus sit, sed omnia in futurum seruantur
^{V. 5.} incerta? Deinde, quam istud Ecclesiastici est durum, de propi-
tato peccato, noli esse sine metu? Denique laudat Philippienses
^{ad Phil. 2.} Diuus Paulus, quod cum metu *¶* tremore salutem suam operen-
^{V. 12.} tur. Ut quid ergo nos miseri nobis abblandimur? quid vanâ
nos fiduciâ temerarij decipimus? quid Conscientiæ testimonio,
salutem committimus? Insignis omnino, atque ut primâ
fronte sese objicit, insuperabilis videtur obuoluta difficultas.
Verum ut spero, facile complanabuntur omnia, rem ut ex-
poiuero.

S. II.

Certitudo generatim duplex est; alia objectiva, alia subjectiva. Objectiva rursus triplex; nempe certitudo Fidei, Physica, & moralis. Explicantur singulae, earumque naturae.

INgens operæ præmium laturum me existimo, si multorum non sine fastidio oborientes curas, hâc in parte sedauero, clareque exposuero, vbi tam varia sunt Diuinæ paginæ testimonia, quid sit de re. Aliqua enim certitudinem omnem pœnitenti præstant, animos erigunt, & plenos reddunt bonâ spe: alia ex aduerso, incerta faciunt omnia, mentem dejiciunt, totamque animam implicant suspicionibus. Explicandum est igitur, quæ & quanta sit certitudo, quæ de obtentâ gratiâ, Conscientiæ testimonio obtinetur: ac proinde quanta sit mentis securitas, illi certitudini quæ innititur.

Hoc verò rursus, vt clarè exponatur, dicendum est; certitudinem in duas dispesci species; quarum singulæ, ex variâ origine differentiam trahunt. Et una quidem ex objecto nascitur, diciturque *Certitudo objectiva*; altera ex subjecto, seu homine ipso, exortum dicit, & dicitur *subjectiva*. Obscura sunt nomina, res perceptu sat facilis. Certitudo enim quæ exoritur, ex euidentiâ rei propositæ, aut ex rationibus quæ sufficiunt vt prudenter judicetur rem ita planè esse prout menti objicitur, ea censetur objectiva, seu nata ex objecto: adhæret enim rei propositæ intellectus, per actum judicii: non quia voluntas id tantum vult aut imperat; sed quia rationes sunt ejusmodi, vt de rei veritate dubitare non possit, nullo autem modo ei dissentire. Sic certus sum, Totum esse majus suâ parte: certus sum me videre quæ video, columnam esse in rerum naturâ quam oculis intueor, aut sensu percipio. Sic denique si constanter à pluribus fide dignis victoria ab hoste relata renuntiatur, quæ tum litteris, tum militum qui res egerunt testimonio confirmatur; tandem certus reddor, neque de victoriâ dubito: ea autem certitudo, seu intellectus adhæsio, ex rei propositione obuenit; rationes enim credendi sunt ejusmodi,

quæ

*Certitudo
objectiva
seu nata ex
objecto quid
st.*

quæ prudentis animum meritò afficiant, ejusque assensum tandem extorqueant; nisi imprudenter omnino & ex animi peruicaciâ velit dissentire.

12. Altera ex ipso subiecto existit certitudo. eaque est, dum quis *Certitudo subiectua.* cuidam sententiæ aut effato mordicùs inhæret; non quia ratione ducitur quæ cogat assentiri, sed quia vult. Atque hinc sit ex imperio voluntatis, vt ita judicet rem esse prout esse vellet; illique judicio ita affigitur, vt ratione nullâ, nullâ auctoritate, à conceptâ sententiâ possit dimoueri. Sic rumores, de patræ suæ faustis in hostico progressibus, quantumuis sparsos temerè, ita desuaniunt nonnulli, vt illico de victoriâ certi sint, quam à suis optauerint esse obtentam. Certi sunt, quia statuunt de rebus faustis non dubitare. Hanc certitudinem, quam non malè Pertinaciam judicii dixeris, patet ex ipso subiecto, seu homine certitudinem sibi fabricante, non verò ex rei veritate rationibus propositâ prouenire; hinc rectè dicitur *subiectua.*

13. Oritur autem hæc firma mentis adhæsio aut potius pertinacia, *Oritur hæc ex quatuor causis.* Primò quidem, aliquando ex cerebri intemperie, & phantasmatum repræsentatione viuâ, rem exhibentum quæ nusquam est. Quod plerumque insanis visuuerit; qui se Reges modò, modò Deos credunt; & verò ita de suâ potestate certi sunt, vt non sine adstantium admiratione & risu, dignitates passim distribuant, & sua cuilibet dent imperia. Secundò, nonnumquam ea certitudo, *1. ex insania.* ex merâ rerum ignorantia procedit. Sic sunt nonnulli homines agrestes, simplices, & stupidi, qui tam sincerè acquiescent circumforaneis nugatorum prognosticationibus, quæ vulgo Ephemeribus, quas Almanachos dicimus, continentur, vt ne Euangeliò quidem, istud si peruviant, majorem habituri sint fidem. Ter-*2. ex ignoran- tia & stupideitate.* tiò, non rarò ex affectione animi, præsertim Amore & Odio, certitudo hæc enascitur. Antiquum est istud: *Nescis an qui amant, ipsi sibi somnia fingunt?* Et quod pessimum est, quæ sibi finxerunt somnia, habent pro indubitate: neque pictor vllâ arte, amicam sic depinxerit, qualem amore percitus credit esse: neque quod odiſſe quis statuit, vllus concipit quām sit fœdum, & quale sibi præstituit is qui odit. Quartò denique, ex merâ peruersitate voluntatis plurimi certi sunt; prout in hæresiarchis plerumque euennit. Sanè aut certitudinem illam fingunt vt decipient; aut si *4. ex volun- tamavis peruersitate.* verè erroribus suis inhærent peruicaciter, neque de iis sese dicant

Zzz 2

cant

cant dubitare , jam certè aguntur non rationibus , quas satis sciunt contra se stare , sed voluntatis solo imperio. Atque hæc demum est, *Certitudinis subjectivæ natura & origo.* Quæ quamvis ea non sit, de quâ habendus est sermo, explicanda tamen fuit, ut prior, quæ vera certitudo est , objectiva nempè , intelligeretur commodius.

*Certitudo
objectiva
triplex.*

*Prima cer-
titudo Fi-
dei. Quid
hac sit , &
unde ori-
tur.*

Hicce ritè perceptis, dicendum est deinde, veram hanc certitudinem quæ nascitur ex objecto, variam esse, pro rationum quibus innititur varietate & differentiâ.

14.

Prima enim fundamentis iis innititur, quæ falsa esse aliquando, omnino est impossibile. Atque ex iis oritur, *Certitudo Fidei.* Quod enim Deum credam humanam Carnem assumpsisse , id quidem testimonio Diuino innititur. Cùm verò illi nulla falsitas aut impostura possit immisceri, illudque certò etiam judicem; exinde fit ut de Incarnationis mysterio nullus dubitem ; & ea menti meæ certitudo obueniat, quæ falsa fieri non possit, ne à Deo quidem. Atque hæc est firmissima mentis adhæsio , seu supernaturalis certitudo Fidei, iis superstructa fundamentis, quæ nullo prorsus casu possunt fallere, nec à Deo destrui, potentiam suam etiam absolutam applicante.

15.

*Secunda
certitudo
Physica. E-
ius exortus.*

Altera certitudo, seu mentis prudens adhæsio, non ineptè dicitur , *Physica aut naturalis*, nimirūm è naturæ consonis petita argumentis aut proprietatibus. Quæ quidem, si Dei potentiam absolutam spectes, quamuis possint destrui, ac propterea fallere; tamen spectata decretorum Dei cursu ordinario (quem ego naturam rerum esse existimo) non destruentur sine miraculo, ac propterea non fallent, quamuis fieri omnino posset ut fallerent. Sic certus sum Solem occubitum vesperi, oritum manè: ignem adusturum quæ objecero; lapidem grauitate suâ petiturum terram quem manu projecero; neque vlla menti meæ insider de his evenitibus dubitatio. Et tamen fieri posset, imò factum est nonnumquam, ut Deo sic agente, præter rerum naturam & proprietatem, alia omnia contigerint : neque si modò eadem obuenirent, quidquam de Diuinitate Dei , ejusque veritate detraheretur. Ut enim statuerit creaturis omnibus cursum suum, ordinariasque naturæ leges permittere ; nusquam tamen promisit, iis sese, pro potestate summâ & absolutâ , numquam intercessurum. Certitudo itaque de his habetur physica : id est ex naturalibus petita rationibus;

16.

tionibus; & talis, quæ licet omnino possit falli, aut fallere, non tamen fallet, nisi per miraculum naturæ actiones intercipiantur.

17. Tertia denique est, *Certitudo moralis*, aut humana. Ininititur Tertia certitudo moralis. autem ea aut rationibus aut conjecturis, quæ licet singulæ possint fallere sine ullo prorsus miraculo; tamen conjunctæ sunt ejusmodi, ut sine miraculo, aut certè sine casu aliquo præter omnem expectationem prudentem oborto, mentem decepturæ non sint. Et sic quod singulæ rationes non possunt, possunt omnes; hominem nimirum certum reddere, suspiciones omnes falsi amouere; denique ita securum facere, ut de rei veritate non ambigat; aut sanè ambigat imprudenter. Sic dum in templo Sacris aut concioni intersumus, metu vacui res nostras agimus, de templo ruinâ suâ nos oppressuro admodum securi & certi. Molem enim multis annis omnem aëris intemperantiam, ventorumque vim, suâ firmitate superasse jam vidimus: columnas solidas, murosque sibi constantes suo niti perpendiculari, nequidquam obnitente fornicis pondere: fornicem ipsum nec rimas agere, nec fatiscere, sed ex omni parte sibi cohædere, oculis ipsis perspicimus. Quid ergo hîc est quod prudenter timeatur? An tempestas aliqua qualē non vidit antiquitas, & quam ne decem quidem sœcula semel ferunt? Insolita hæc sunt nimium, quam ut securitati meæ quidquam detrahant, aut de ruinâ templi peruersè suspicer. Et tamen si attendas singula, quæ soliditatem templo dant, ea sunt ejusmodi ut singula possint fallere. Muri enim possunt cedere; columnæ singulæ possunt è perpendiculari detrudi, & tum tota dissoluetur fornicis conjunctura, ac templum abibit in ruinam. Sic est; sed cum ferramentis inter se conjuncta sint singula, sibi mutuo sunt subsidio, seseque constringunt nexus tam valido, ut securus templum subeam, vitamque committam toti moli, quam singulis partibus non concrederem.

18. Sic rursus, dum victoriæ ab hostibus obtentæ rumor peruagatur, nihil quidem adhuc de rei veritate quid sit, certi statuo, nisi Magis explicatur in fide humana, imprudenter. At si affluant quotidiè & nuntii, & litteræ, & quidem variis è locis exaratæ, quæ constanter idem afferant; certè qui primò fuerant rumores imbelles, nec sat firmi quibus judicium de re actâ subjicerem, adeò ex mutuo nexus conualescunt, ut quæ antè fama fuerat, & ex famâ nata opinio; nunc scientia vocari

Zzz 3

possit

550 TRACTATVS DECIMVS SEPTIMVS

possit, cui tutò quisquis prudens est, & sine vllâ falsi suspicione assentitur. Atqui si singulos qui rem detulere attendas, sane sine miraculo mentiri possunt singuli. Sic est; sed prodigium inauditum esset omnino, tot homines, locis adeò dissitos, mihi incognitos, in hoc conspirasse, vt mihi quod falsum est obtruderent. Imò tanta posset esse idem attestantium multitudo, vt recte possim statuere, sine miraculo in vnum idemque mendacium esingendum non potuisse concurrere. Quis enim afferet hominum arte potuisse fieri, vt omnes omnium nationum homines, jam inde à Remo & Romulo conspirarint, vt Romam esse aut fuisse mihi persuadeant, quam natura numquam tulerit. Et tamen singuli mentiri potuere. Fateor; sed quod potuere singuli; sine prodigio & præter omnem humanum morem, non potuere omnes, & tam multi. Quid demum inquies, an non potuere falsum dicere? Potuerint singuli; at non potuere tam multi, locis tam dissiti, temporibus tam differentes, in vnum idemque mendacium, tanto tempore, & tam constanter conspirare. Humanum id non est; hinc illa testium coaceruatio, certitudinem mihi omnimodam, licet ex humanis moribus petitam, adeoque moralem adferat; neque vllam prorsus in me patitur residere falsi suspicionem.

*Qua ratio-
ne vrum
altero dici
possit cer-
tius.*

Fatendum est tamen certitudinem hanc suos habere gradus & differentias. Quas tamen ego non tam ex adhesionis modo, quām ex rationum firmitate petendas esse credo. Sic certius dicitur, Romam fuisse aliquando, quām Antuerpiam; non quidem quod alterum altero sit verius; veritas enim comparationem non admittit. Quod est, est; & quod est, verum est. Esse autem, consistit in indivisiibili: itaque & verum. Sic igitur verò non datur verius. Ast hoc sensu vnum præ altero dici potest certius; quod nempè plures stent pro Româ testes quām pro Antuerpiâ; atque adeo, minùs fieri possit, vt plures in uno conflando mendacio, quām pauciores conuenerint.

*Nōtamen
inde semper
est certior,
qui credit
id quod cer-
tius est.*

Nihilominus quamvis hoc modo dici possit vnum altero certius, tamen non est cur certior dici debeat qui credit Romam esse, quām qui Antuerpiam. Certitudo enim est adhesione judicii propositæ veritati firmiter & sine falsi suspicione insistentis. Si ergo intellectu testium multitudine conuictus prudenter assentitur & Romam esse & Antuerpiam, quid id refert an isthic quām hic plures sint, modò utrobique sint qui sufficiant assensum elicere, & proposi-

19.

20.

propositæ veritati quasi alligare? Sanè si vnâ ex parte decem funibus palo brachium affigatur, alterum verò quinque, quorum tamē vim superare nequeo, &què hoc brachium adhæret palo, quām quòd pluribus est constrictum. Verum quidem est, quod si de brachio liberando instituatur quæstio, difficilus esset decem, quām quinque funium nexus soluere: sed hic non de vinculum excusione agimus, sed de brachiorum ad palum adhæsione instituitur comparatio. Hanc autem utrobique parem esse nemo dissitebitur. Simili ergo modo, certitudinem, assero esse adhæsionem judicij veritati propositæ insistentis. Si rationes ex sint, quæ intellectui prudenter agenti quasi vim inferant, assensumque extorqueant, certum tunc assero esse judicantis intellectum; id est, veritati ita affirmum & deuinctum, vt ab eâ ne suspicando quidem possit desiscere. Alterius autem veritatis plura quod sint argumenta, & quasi funes quibus intellectus deuincitur; hinc sane non est quod huic magis adhæret dicendus sit, cùm de neutrâ aut dubitet, aut possit dubitare: istud tantum dici posset, quòd si alterutra foret neganda, negaret illam. Verùm non hic de negandâ veritate agimus, sed de certitudinis firmitate, & judicij adhæsione: & quærebamus utra major? utramque igitur moralem certitudinem ex parte subjecti eandem esse existimo, utrobique enim adhæret anima, eâ firmitate quam non superabit, si prudentiæ legibus velit insistere; licet ex parte objecti alia dari possit aliâ major.

21. Hisce præstitutis, veniamus nunc ad propositæ quæstionis disquisitionem. Petebatur autem, quæ, & quanta sit certitudo, quām de relatâ à Deo peccatorum veniâ, ejusque amicitiâ seu statu gratiæ obtento, mortali homini Conscientia præstare possit. Discriminanda sunt imprimis à veris falsa, vt tota res pateat.

§. III.

§. III.

Hæretici docent neminem fidelem esse, qui non credit se in statu gratiæ esse certitudine quæ sit Fidei: adeoque hunc esse ar- titulum Fidei. Horum error demonstratur.

Dabit mihi hanc Lector veniam, ut quid de peccatorum remissione, & de certitudine obtentæ gratiæ commenti sunt hæretici, in medium proferam. Non erit abs re hæc disseratio; tum ut discussis errorum nebulis, manifestor orthodoxa veritas enitescat; tum etiam ut qui hæc iortasse legerint Caluini erroribus implicati, attendant sedulò, quām tremulo & exeso, salutis æternæ negotium, superstruant fundamento. Hanc enim quam expositurus sum sententiam, Lutheranæ Caluinianæque sectæ fundamentum & basim esse, cui tota religionis prætenæ incumbit machina, fatetur Daniel Chamier, Caluini affæcta & propugnator inter suos non ignobilis. Commentum sic se habet. Postquam multa garriuere de peccati naturâ, quod statuunt numquam deleri, sed Christi justitiâ veluti pallio obtegi. Diuinisque oculis subtrahi quodammodo; saltē sic obtemptum peccatori non imputari; statuunt demum, remissionem peccatorum, non animi pœnitudine aut scelerum detestatione; sed solâ fide, seu fiduciâ filium Dei esse te, & de æternâ salute consequendâ securum, obtineri. Adeò ut idem prorsus sit apud heterodoxos, vti fatetur Chamierus, de remissione peccatorum, Ibid.c.3. aut de salutis obtentæ certitudine disputare. Nam hoc ipso ex capite quod indubitanter credis filium Dei esse te, animumque ita obsfirmas, vt certum indubitatumque esse statuas vitam æternam tibi concedendam, remittuntur tibi peccata tua: id est, non imputantur. Illa autem animi obsfirmatio; seu certitudo (vt mentem hæreticorum bene percipias) debet esse tanta, vt certitudinem fidei attingat: adeò ut si non fide Diuinâ, sed humanâ tantum credas filium Dei esse te, verè fidelis non sis, nec veram fidem habeas, sed prorsus sis infidelis.

Inuerit

Exponitur
hæreticorum
fides, aut
faucia,

22,

Chamier.

to.3.l.13.

c.1.

23.

Juuerit tam egregia figmenta , ex ipsis haurire fontibus , ne fortasse quis credat , hominibus , ceteroquin non indoctis , per ^{ex Calui-}
Caluin.
Instit. 1.3.
c. 2. §. 16. contumeliam ea esse afficta . Imprimis Caluinus in Institutionibus , post multa , ita tandem statuit , & rem absoluit . In summa inquit , *verè fidelis non est , nisi solidâ persuâsione Deum sibi benevolum propitiumque Patrem esse persuasus , de eius benignitate omnia sibi pollicetur : nisi qui Diuina erga se benevolentie promissionibus fretus , indubitatam salutis expectationem presumit .* Ast quām indubitata est ista expectatio ? sanè quam indubitata est diuina Fides ; hæc enim te in Fidelium numero collocat . An ergo non sufficit *fidelis* ut sim , si cuncta quæ in Fidei symbolo continentur , Diuina credam mysteria ? minimè inquit Beza , Christianam fidem sic non obtines . Et rationem dicit subiicit dignam se . *Habent enim , inquit , ipsi quoque Diaboli hanc fidem , & Beza.*
Beza Con-
fess. c. 4.
a. 5. *et eo magis tremunt . Tum mentem & suam & Caluini clarè e-
differens , ita pergit : Sed fidem appellamus , certam quandam scien-
tiam , quam Spiritus Sanctus , suâ vñâ gratiâ , ac bonitate ma-
gis , insculpsit cordibus electorum . Quâ scientiâ fit , ut eorum v-
nusquisque in suo corde certior electionis sue fatus , sibi ipsi applicet
promissionem in Iesu Christo .*

Itaque prout audio , vt de Caluini sim sectariis , de nullâ re me conuenit esse sollicitum , nisi vt promissiones Christi factas vniuersim electis omnibus , mihi asseram aut applicem , & salua sunt omnia ; de electorum numero sum , fidelis sum . Non igitur Fideles sumus & dicimus , tam quia credimus , quām quia fidimus . Inaudita prorsus in Ecclesiâ est hæc locutio . Tamen per me licet , iis qui in sacra omnia sibi jus arrogant , demus et iam jus in nomina . Cæterū , cùm fide diuinâ credendum sit mihi , salutem æternam obtenturum me , seu quod ipsis idem est *vt iam dixi , peccata mihi remitti aut non imputari , itaque id mihi est articulus Fidei . Hoc si ita sit , tam debet id mihi cer-
tum esse , neque minus dubitare possum de salute obtainendâ , quām quod filius Dei humanam Carnem assumpserit . Atqui quod Di-
uinâ Fide certum est , vti jam dixi num. 15. ita certum est , vt ne-
quidem per potentiam diuinam absolutam possit vñquam falsum fieri : itaque dum semel hæc fiduciâ obfirmaui animum , & Christi promissiones mihi met ipsi applicui , certum jam est me salute non posse excidere : & quidem ita certum , vt ne per potentiam qui-*

Refutatur
corum sen-
tentia , pri-
mò ex duo-
bus absur-
dis .

*Primum**Secundum*

A a a a dem

caebaco

dem Dei absolutam id falsum possit reddi , aut ego condemnari : est enim Fides Diuina ; quæ falli numquam potest . Rursus cùm nullus sit articulus Fidei , pro quo tuendo non debeam mortem oppetere ; etiam mihi subeunda est potius mors , quām ut ab abruptā semel fiduciā vel latum vnguem desciscam , aut negem de salute æternā certum esse me . Hæc quantumuis absonta sint , imò & de nugurum genere , fortassis Calvinistæ admittent non inuitè .

*Secundū, 25.
hoc senten-
tia mani-
festè viam
aperit sce-
leribus.*

Istud tamen iis oggero etiam ingratissimis , non esse quod clament tantopere calumniari Catholicos , dum obiciunt , operum bonorum necessitatem eos prorsus destruere , sceleribusque latissimas fores pandere . Sanè si hæc , quæ docent , vera sunt ; si Fide Diuinâ ac proinde indubitatâ , & quæ falli nullo modo potest , credere debeo in electorum me esse numero , ac propterea commissa à me scelerata mihi non imputari ; profectò non video quid aut perjuria , aut adulteria , aut homicidia , aut alia quæ carni & sanguini grata sunt crimina , mihi vitanda fint tantopere : iis enim , dum à me patrantur , Deus non succenset , nec irascitur . Neque verò potest à me scelerum pœnas sumere , non tantum æternas , sed ne temporales quidem ; eas enim si sumit , jam certè peccata commissa mihi imputantur . Si autem imputantur ; fidelis , & ex electorum numero non sum : quod tamen est impossibile me non esse , cùm Fide Diuinâ de salutis obtentâ fiduciâ certus sim . Auertat à nobis propitius Deus fidem eiusmodi , quæ plus nimis carnem redolet , ei dum ab blanditur ; & in omnem insolentiam , viam sternit apertissimam .

*Tertio ha- 26.
reticorum
sententia
sibi non
herent.*

Hæc tamen cursim dicta sint ; aliàs explicatiùs ponderanda . Sed videte obsecro , quām male sibi cohærent Calvinii dogmata , totius inquam hereticæ constructionis commissuræ . Si quando Conciliorum auctoritatibus , aut veterum Traditionum sanctitate à Catholicis impetruntur , illico Sacras Paginas appellantur . Afferunt nihil omnino sanctum & de Fide Diuinâ esse quod iis litteris non continetur : in iis omnia tradi scitu necessaria mysteria : in iis quod non exprimitur , ad salutem non esse necessarium : denique Sacras litteras claras esse & perspicuas , neque ullius explicatione posse contaminari . Nihil ipsis ita in ore est , nihil pro populo crepat eloquentius , dum respondendum est Catholicis . Itaque sit ita ut volunt , nihil sanè Fide Diuinâ credendum

dendum sit , nisi quod expressis signatisque & claris omnino verbis , in Sacris Paginis Diuino testimonio credendum exponitur , Ita sit inquam . Hic stemus , hic conseramus manus : sed ne pedem retrahant , nec à se toties dicta reuocent , dum prementur .

27. Etenim , cùm Caluinus & Beza , & verò tota passim hæreticorum classis asserat , vnumquemque de se debere credere , filium Dei esse se , electorum numero ascriptum ; idque ad instar articuli Diuinâ Fide credendi , mordicus tenendum esse , fidelis ut quis sit : istud imprimis peto , an disertis verbis id in Sacrâ paginâ usquam expressum sit , Caluinum de numero electorum esse , & æternæ vitæ hæredem indubitatum ? Si id sanctæ ferant litteræ , locum cede . Sin autem ; quo pacto Fidei Diuinæ Caluino factum est articulus , id cuius in Sacrâ Paginâ nulla est memoria , vestigium prorsus nullum ? Atqui inquit Beza , Spiritus Sanctus Scripturarum auctor præcipuus , *id quoque suâ bonitate d' gratia insculpsit cordibus electorum.* Bene tibi sit Beza cum tuo corde . Sacras paginas quero , quibus id insculptum sit quod Fide Diuinâ credendum tibi esse dicas : & dum has quero , tu mihi *cor tuum* porrigis , cui insculptum id sit . An ergo *tuum cor* , Diuinæ sunt Paginæ : atqui si credere debes Diuinâ Fide *quod tuo cordi* Spiritus Sanctus de tuâ electione insculpsit ; fatére igitur aliquid esse articulum Fidei , seu Diuinâ credendum Fide , quod sacris tabulis non continetur . Non igitur ita clament posthac , nihil se præter Scripturas , dum de Fidei mysteriis agitur recipere , nec verò debere recipi : ecce enim fundamentalem sectæ suæ articulam , nimirum Filios Dei , electos esse se , vnuquisque de se debet credere ; & tamen id , de eorum nemine , expressis verbis Paginæ Diuinæ tradunt .

28. Hic verò , malam causam non felicius propugnaturus , assurgit Chamierus . Et quidem præfidenter admodum asseuerat , clavis omnino verbis à sacro Euangeliō asseri , Caluinum , eique similes , de salute æternâ prorsus esse securos . Manifestum est enim inquit , id quod de toto dicitur genere , dici etiam de singulis qui sub eodem genere continentur : neque verò dici posse homines ratione esse præditos , quin id de Petro , qui nempe homo sit , particulatim etiam afferatur . Cùm verò exquiritur , quo loco affirment sanctæ paginæ , omnes omnino fideles de salu-

*Faciunt
enim fidei
articulum.
id quod in
Scripturis
non ponitur
expressis
verbis.*

*Respondeat
Chamierus
particular-
rem propo-
sitionem
contineri in
vniuersali
que in Scri-
pturis ex-
primitur.*

Aaaa 2

te

556 TRACTATVS DECIMVS SEPTIMVS

te æternâ certos esse; tum sanè istud ex D. Joannis Euangelio ^{Ioan. 3.}
affertur, *Qui credit in Filium, habet vitam æternam.* ^{v. 18.}

*Vniuersitatem de fide
lum salutem certò ob-
tinendā propositio-
nem, non
habent
Scripturæ.*

Antequam argumenti vitium detegam, illud prius quero, cur ex his similibusque locis non inferantur, omnes Christi fideles quamvis corpori in hâc mortali vitâ inclusos, reipsâ tamen cœlesti gloriæ interesse; non enim hábituros eos aliquando, sed reuerâ habere vitam æternam Nicodemo testatur Christus. Aut autem cœlesti gloriâ sese perfici, dicent vel de acutissimi Caluinistæ? an vitam æternam sese habere credent ipsimet sibi? Habant, inquit Chamierus, sed in spe. Ain vero tu in spe? atqui nihil de spe hîc dicitur: Christus planè loquitur, neque de spe, vlla hîc fit mentio. Quod autem de spe interiicitur, illa quidem tua est, Chamiere textûs huius explicatio; explicationibus autem, vt vos ubique declamatis, Scripturæ non indigent; etenim humanis expositionibus dicitis eas conspurcari & infici, non declarari. Ut quid igitur mihi hîc spem obtrudis tuo è cerebro? Nam quid si ego fideles afferam habere vitam æternam in radice; quòd nempe in Fide, vita æterna contineatur, sicut fructus in semine? quid si dicam, fideles habere vitam æternam in spe, sed non indubitatâ qualem ponunt hæretici, sed tali quæ vitio hominis posse euerti, & à rei speratae consecutione deiici; quid tu ad ista repones? expositiones forsitan humanas adferre me? Atqui & tuas censeo de hoc genere, nisi nos docueris esse Diuinas. Arque hinc conficio, ne id quidem generatim in Scripturis contineri clare & aperte expressum, Fideles omnes de suâ salute aut statu Filiorum Dei obtento, certos debere esse & securos: quod tamen ipsi volunt. Neque video quâ fronte hoc dici possit, cum ex aduerso contraria omnia suis fidelibus D. Petrus inculcat. *Qua-* ^{2. Pet. 1.} *propter fratres magis sat agite, ut per bona opera certam vestram vo-* ^{v. 10.} *cationem & electionem faciatis.* Ecce, non vocatos modò, sed electos Petrus alloquirur, certamque vult ab ipsis electionem fieri, bonorum operum exercitio. Non igitur adhuc de salute consequendâ certi sunt, sic vt eâ non possint excidere. De salute ergo incertos Petrus alloquitur; & tamen alloquitur fideles. Non igitur fidelibus omnibus, ex eo solo capite fideles quòd sint, salutis certitudinem dant Scripturæ, quod tamen volebat Chamierus: nisi fortè, quod à me certò creditur, alterius farinæ sint Caluinistæ, ab iis qui S. Petri lacte enutriti sunt Fideles.

Demus

30. Demus tamen vltro id quod petitur ; & verum sit , istud à Sacris paginis vniuersim asserti . Fideles omnes de vitâ æternâ penitus esse securos . Quid exinde bonæ rei conficiet Chamierus ? an id etiam eo loco asserti , Caluinum aut Chamierum de salute æternâ reddi securos ? Quis dubitat , inquis . Ego vero dubito : nam , quod tamen ad legitimam consecutionem educandam ex propositione vniuersali est necessarium , nusquam in Scripturis dicitur Caluinum & Chamierum esse Fideles , & veram habere fidem , ne illam quidem quam ipsi vocant fiduciam salutis . Non igitur in Scripturæ loco , qui asserteret vniuersim *Omnes omnino fideles certos esse de salute* , adhuc quidquam haberetur de Caluino aut Chamiero ; quandoquidem eos fideles esse , isthic disertè non exprimitur . Verum inquit Beza , scientiam illam insculpsit *Spiritus Sanctus cordibus electorum* , esse nimurum fideles . Ita fit . Igitur id saltem nunc est euidentia , illam totius syllogismi partem quâ hæc res conficitur , & sine quâ tota vis argumenti corruit . Sacris Paginis non contineri . Hæc enim deberet esse argumenti forma . Sacrae litteræ docent omnes fideles securos esse de salute , seu habere vitam æternam . Atqui Caluinum esse fidelem sacræ docent litteræ ; ergo docent etiam Caluinum (& idem de omni fidelis esto judicium) securum esse de salute & habere vitam æternam . At quis non videt , falsum id esse , quod Caluinum , hominem fidelem esse Sacrae doceant litteræ ? quinimo eam scientiam ex Spiritu Sancto hauriri docet Beza , vtpote qui id electorum cordibus inscripsit . Non igitur dicat Chamierus in vniuersali propositione , dici Caluinum , & se siue similes à Scripturis de salute certos reddi ; adeoque id singulis credendum tanquam Fidei articulum , quod id de singulis Scripturæ assertant : nimis enim insulsa est hæc oratio , quam ut apud hominem argumentandi gnarum , fidem inueniat . Deberet namque prius id etiam Scripturæ textu exprimi , Fidelem esse te ; adeoque testari sub Fidelium genere vniuerso , te contineri , antequam vniuersalis illa Scripturæ assertio , ex ipsâ Scriptura per legitimam consequentiam ad te possit deriuari .
31. Itaque ut paucis dicta complectar ; asserto nusquam in Scripturis reuelatum esse Chamierum , aut quemuis particularem hominem certum de suâ salute esse . Nam quamuis assertisset Deus , omnes fideles de eâ certos esse ac securos , non tamen id etiam reuelauit

A a a a 3

reuelauit

reuelauit in sacris litteris, hunc hominem Chamierum v. g. hominem vere fidelem esse; itaque Chamierus sibi persuadere non debet, certitudinem salutis suæ à Sacris sibi paginis reuelatam. Id ergo si Fide Diuinâ credit, credit sanè quod sanctæ litteræ nusquam tradunt: atque adeo credit, quod Fide Diuinâ credendum non esse, hactenus ad rauim usque, heterodoxi declararunt. Quod si autem id jam rite facere se existimant, sanè posthac mihi non jactent, totam doctrinæ suæ molem, Sacra Scripturæ soli & puræ insistere; jam enim ostendimus præcipuum ipsorum dogma, quodque fundamentale vocat Chamierus, à Sacra Scripturæ basi distare bene longo interuallo. Neque vero sententiam illam, seu certitudinem fanaticam ex iis quæ Deus per sacras paginas reuelauit, sed per particularem scientiam haberi fatetur Beza, imò & Caluinus ipse, quam quidem Spiritus Sanctus insculpsit, non sacris Bibliis sed *cordibus electorum*. Quo pacto igitur id in Sacris litteris videt Chamierus, quod Calvini fugit & Bezam? an Scripturæ jam clariores sunt, aut lapsu temporis plura pandunt? Et tamen tam apertas esse jactitatis, ut à fœcē populi possint intelligi; nullumque fidei atticulum esse, quem non aperte tradant. Miror sanè id in cordis sui latebris quæsiuisse Bézam, quod in Sacris litteris, omnium oculis aperatum videt Chamierus, & possum in proposito.

*Quarto,
cum ex
Caluini-
na salutis
obtinenda
c. viiudine
nemo, qui
eam ha-
buit, possit
excidere,*

*(quod qui-
dem proba-
tur ratio-
nes)*

*& ex Cal-
uino.)*

Jam vero, ut rem hanc altius promoueam, nonne non arbitrium tantummodo, sed & temerarium prorsus est, cum Caluino & Beza, salutis adeptæ securitatem sibi particulatim à Spiritu Sancto reuelatam esse asserere; eamque esse sine quâ nemo fidelis sit? Hac enim si imbutus es scientia, sanè ne per Dei quidem potentiam absolutam, fieri potest, salute ut excidas. Manifestum id quidem est. Cum enim Spiritus Sanctus mentiri aut fallere nequeat, neque quod Fide Diuinâ creditur possit ullo umquam tempore falsum fieri; profectò cum certum esse Spiritus Sanctus dixerit saluandum te, id necessariò fuit verum, totâque æternitate verum erit: fieri igitur nullo modo potest ut damneris. Nam si id fiat, falsum fuerit quod Spiritus Sanctus tibi reuelauit, quod tamen est contra hypothesis; ponebatur enim verum edixisse. Neque argumentis hoc magnopere virgendum jam est: fatetur enim Caluinus rem ita esse; docetque Fideles, non tantum de praesenti justitiae aut gratia statu certos esse,

Calu.1.3.
Inst. c.2.
n.4.0.

esse, sed & de finali perseverantia ut ipse loquitur. Ridensque Catholicos, de gratia per conjecturas sibi moralem certitudinem & fiduciam astruentes : *Egregia enim uero, inquit, salutis fiducia nobis relinquitur, si ad praesens momentum nos esse in gratia, conjectura morali estimamus, & quid in crastinum futurum sit nescimus.* Vult itaque Caluinus certitudinem gratiae, non ad presentem tantum vitæ statum, sed & ad perseverantiam finalem, sine ullâ dubitatione extendi : ac proinde qui semel gratia statum obtinuit, seu qui semel fidelis fuit, ab eo nullo euentu posse excidere, est necesse. Hoc si ita sit ; igitur qui semel momento unico, fidem habuit Caluinianam, liberè potest non Catholicam tantummodo amplecti religionem, sed & Judaismum, imo & Mahumetanis castris succedere, sine ullo fidei suæ, salutisue præjudicio. Quid enim ? Caluinista verus fuit, itaque & fidelis. Quod si fidelis fuerit, certus itaque de salute fuit & quidem certitudine Fidei : quæ quia non potest fieri falsa, sanè de salute numquam excidet. Mahumeti igitur adhæredit sine ullo salutis suæ detimento. Imo verò, ne cum Fidei quidem suæ præjudicio, Christum ejurabit, & sacra omnia Religionis Christianæ mysteria detestabitur. Nam cùm certus sit de salute obtainendâ, eaque non possit excidere, profectò nec fide excidet ; cum fides ipsorum sit, de salute certum esse. Et rursus, cùm is qui de salute certus est certitudine Fidei, necessariò etiam eam sit adepturus, manifestum est ejusmodi apostamat, quantumuis detestandum, fidem non amisisse ; nisi quis fateri velit, salvandum aliquem fidelis qui non sit ; quod ne ipsi quidem Caluini dicent asseclæ. En ut ad omnem impietatem latissima strata est via.

33. Hinc sanè miror ego, cur tantope conturbentur, in suis, vt vocant, Classibus heterodoxi, si quando desertis erroribus ad Sanctæ Ecclesiæ Romanæ gremium quis conuolat ; cur inquam eum adeò detestentur, cœtibus suis arceant, & tantum non diris deuouant. Non inquam, satis capio, quò hæc vergant. Nam aut de eorum grege fuit, Caluiniāno modo fidelis, aut non fuit. Si non fuit ; vt quid adeò infectantur hominem, qui eorum jurisdictioni non subjacuit ? aut cur per censuras, quasi apostamat, arcent à grege, cuius numquam fuit pars ? Mahumetanis certè inter ipsos versantibus molestias non facescunt, infideles quamvis sint. Quod si autem, is qui Catholicum sese jam profitetur, de gregè

Hinc sequitur quod omnis verè fidelis potest quicquiescere religionem mutare, sine salutis,

aut etiam Fidei sua præjudicio.

Non debent itaque Caluinanis esse folliciti de ijs qui ab ipsorum scilicet decifunt.

ḡege Caluinī verè fuerit; sanè fidelis fuit; non enim hic cōetus, insidēles suis, vti credo, annumerat. Si autem fidelem fuisse non negatis; profectō de salute æternā certus fuit aliquando; atque adeò adhuc certum est, eum nec à vitâ æternâ, nec adeò à fide semel conceptâ posse deturbari. Itaque auctor ipsis sum, vt ne de oue quasi perditâ multū sint solliciti; sinant illam agere res suas, & quæcumque demum Religionis Catholicæ castra peruagari: nam eo in statu est hæc ouicula, vt perdi vel perire non possit; aut si possit, tum sanè numquam de eorum ḡege ouis fuit: & sic nulla ipsis de eâ deinceps sit curatio; ibit illa vias non malas, & pascua felicia inueniet.

*Quintū si
vera est;
hereticord.
sententia.
nemo dam-
natus um-
quam fide-
lis fuit.*

Non lubet Caluinianæ huic fiduciæ & confictæ certitudini refutandæ diutiū inhærere. Istud tamen adjiciendum est; ea sententia si vera sit, neminem ullum fidelem æternis ignibus esse addictum. Quod alijs verbis dicetur clariū: neminem eorum qui damnati sunt, umquam fuisse fidelem. Tenetur res. Cūm enim teipsā, æterna jam supplicia sustineat, numquam profectō verum fuit, non condemnandum hunc hominem. Quod si id numquam verum fuit, numquam etiam de salute conseq̄uendâ certus esse potuit. Atqui vti suprà à Caluino traditum vidimus: *Verè fidelis non est nisi qui solidâ persuasione indubitatam salutis expectationem presumit;* & de eâ, certitudine fidei cui falsum subesse non potest, certus sit: igitur cūm damnatos eâ fide, fiduciâ, aut certitudine obsfirmatos fuisse sit impossibile; planum jam est, ex damnatis neminem umquam fuisse fidelem. Quis autem hoc sanus dixerit? quis eiusmodi commenta, vel per somnium in Ecclesiâ efformauit? Pluribus possem figmentum istud insectari. Istud tantum illi refellendo dicam; exinde sequi, proditorem Sanguinis justi Judam, numquam fuisse fidelem: etenim æternâ salute Christi. Et tamen Matthæi 10. ab ipso Christo in Apostolum est electus versu 4. Ad prædicandam Euangelij veritatem missus est versu 6. *Ite ad oues que perierunt domus Israël Miraculo-
rum gratiâ est insignitus versu 8. Infirmos curate, mortuos susci-
tate, leprojos mundate, dæmones euicite.* Versu 25. Discipulum eum Christus nominat. Versu 16. ouis titulo condecorat. Denique vt plura omittam versu 40. testatur Christus de Apostolis, inter quos Judas, *qui recipit vos me recipit.* An ergo infidelis, Apostolus munere fungitur? an ouis dici potest & discipulus, qui fidē prouersus

34.

Matt. 10.
v. 4.

prorsus caret? an Christum recipere dicendus est is, eum dum recipit qui Christianâ fide est destitutus? Quid ad hæc responsuri sint heterodoxi, nescio. Judam fortasse, præter mentem totius Ecclesiæ inferno eximent & caelo inserent: nam facile dicent, Judæ, ut potè fideli, tam horrendum crimen non fuisse à Deo imputatum. Denique proclive erit fingere proditorem, dum desperasse visus est, per fidem in patibulo salutis suæ securum admodum, triumphasse: iis, inquit, proclive erit id fingere, quos èo impudentiæ auxit furor, vt non exhorreat ore blasphemо conuiciari, & deblaterare, Dominum proditoris, Jesum Christum, pro alienâ morientem, de salute suâ in Crucis patibulo desperasse.

35. Sed satis sit. Sufficit hæreticorum ineptias detexisse, vt homo prudens & consultus eas detestetur. Detestata est sanè sententiam hanc Ecclesia in Tridentino Concilio congregata; eiique tandem dixit anathema. Ita habet. *Si quis dixerit omni homini ad remissio-*

nem peccatorum consequendam, necessarium esse vt credat certò dicitur

absque ullâ hesitatione propriæ infirmitatis & indispositionis, peccata

esse remissa, anathema sit. Quô quidem Canone non perstringuntur

ii, qui bonâ fide peccata confessi, & munere poenitentis rite

perfuncti, peccata per Dei misericordiam, Sacerdotisque absolu-

tionem certitudine morali sibi credunt esse condonata; sed hæ-

reticorum error configitur, contendentium non alio modo impe-

trari scelerum gratiam, quam præsumptâ, vt Caluinus loquitur,

salutis expectatione, cui scelerum omnium debita sit condonatio

& indemnitas. Et hanc esse mentem hujus Canonis, tum verba

satis indicant, tum sequens Canon liquidissimè confirmat. Ita fert.

Si quis dixerit hominem à peccatis absolui ac justificari ex eo quod se

absolui ac justificari certò credat: aut neminem verè esse justificatum,

nisi qui credat se esse justificatum: dicitur hæc solâ fide absolusionem & ju-

stificationem percisi, anathema sit. Nihil addo Sacro-sancto Canoni.

Miror tantum præpostera hæreticorum fiduciam, & D. Joanni

planè contrariam. Ita enim de se loquitur Apostolus. *Charissimi si fiduciam*

cor nostrum non reprehenderit nos, fiduciam habemus ad Deum. Prius

ergo statuit Apostolus, non reprehendi à Conscientiâ, siue sceleris

conscium non esse se, vt exinde in fiduciam consequendæ salutis

meritò erigatur. At heterodoxi contrariâ insistunt viâ, fiduciam

que præsumendum esse statuunt, vt eâ muniti, Conscientiæ repre-

B b b b Hæretici
 inserunt
 fiduciam
 quam de
 sua salute
 habet D.
 Ioannes.

hensionem euadant; aut etiam certitudine salutis ob os objectâ, vocem Conscientiae scelera castigantis intercipiant. Inuersum itaque habemus Euangelium, & reformatum: nam si cor Joannis eum non reprehenderit, tum demum asserit fiduciam se habiturum ad Deum. Errauit hîc Joannes per hysteron proteron: inuentanda est hæc sententia; dicere debuerat: *Si fiduciam habemus ad Deum, cor nostrum non reprehendet nos.* Ita me Deus amet; nunc tandem intelligo penitus, cur sese nouatores hodierni Reformatores appellariint.

S. IV.

Exponitur Catholica de certitudine peccati remissi, seu Status gratiæ obtenti, sententia. Item quam securitatem moralis certitudo, in hâc materiâ, menti afferat.

*Certitudo
de obtentiâ
gratiâ, non
est Fidei.*

Errorum discussâ caligine, facile jam sese veritas aperiet, vultusque placidos explicabit. Dico igitur *imprimis* constare, certitudinem eam quam post omnia pœnitentiæ exacta officia, de condonatione peccatorum, ac proinde de Gratia obtentæ statu, in hâc mortali vitâ passim habemus, non esse Fidei, prout statuunt heterodoxi; id est, non esse talem quæ rationibus ijs sit suffulta, ut ne ex Dei quidem potentia absolutâ, possint esse falsæ; prout est certitudo, quæ Diuinæ reuelationi clarè cognitæ innititur. Sic ergo, quidquid egero, non adeò certus sum gratiam à Deo obtinuisse me, quâm quod Filius Dei Humanam Carnem assumpserit: hæc enim certitudo, ex rationibus enascitur, quas ne quidem Deus ipse falsas possit reddere: talis autem naturæ non sunt, quæ mihi de obtentâ gratiâ securitatem astraunt. Clarissima est hæc Tridentini Concilij sententia, quâ controversia tota deciditur. Ita grauissimis verbis rem definit. *Sicut nemo pius de Dei misericordia, de Christi merito, deque Sacramentorum virtute dicit efficaciam dubitare debet; sic quilibet, dum seipsum suamque propriam indispositionem dicit infirmitatem respicit, de sua gratia formidare dicit timere potest.* Cùm nullus scire valeat certitudine Fidei, cui non potest subesse falsum, se gratiam Dei esse consecutum. Sic prorsus est: nam etiamsi fide Diuinâ certum sit, eum qui debitâ contritione peccata detestatur,

36.

Trid. less.
6. c. 9.

statur, & legitimâ præparatione animi, scelera confitetur, immunitatem omnium consequi, & filiorum Dei numero adscribi: tam certitudine Fidei mihi non constat, an contritio perfecta fuerit, & an reliqua quæ ad Confessionem legitimam requiruntur, ritè sint exhibita. Id est, vt alijs verbis rem exponam, nullâ reuelatione, neque quæ per Sacram paginam, neque quæ vili hominum particulatum sit exposita, mihi à Deo denuntiatum est, omnia condonationi necessaria, à me eliciendæ Diuinæ gratiæ fuisse præmissa. Hinc impossibile non est falli me: atque adeò gratiæ impetratæ securitatem non habeo, quam daret certitudo Fidei. Et hæc propositio est de Fide, vtpote à Tridentino grauissimè definita.

37. *Secundū manifestum est etiam certitudinem quā gaudemus non esse Physicam, id est, eam quæ ex naturæ congenitis proprietatis bus elicitor, & quas num. 16. diximus sine miraculo à Deo non suspendi aut interuerti. Sic non tam certus sum de gratiâ obtentâ, quā ab igne admotam manum adurendam, aut lapidem grauitate suā descensūrum si naturæ suæ relinquatur. Nam quamvis istis contraria possint accidere, Deo concursum ordinariū naturæ subtrahente; tamen id sine evidenti prodigo non eveniet. At verò nullum esset misericordium, id est, nihil fieret naturæ cursui contrarium, nullaque eius proprietas sufflaminaretur, si dum omnia ad justificationem requisita exegisse me existimo, nichilominus opinione meâ fallerer,*

*Neque et
certitudo
physica*

38. *Tertiū, itaque dico cum Suarez, certitudinem quam mortales sed moraliter homines de statu gratiæ obtento habere possumus, præter eam quam reuelatio Diuina hominibus virtute perfectis pro suā benevolentia nonnumquam dat, moralē esse certitudinem: id est eam, quæ talibus innixa est rationibus, vt quamuis absolutè possint fallere, passim verò & ordinariè eius sint generis vt non fallant. Itaque si rationes, præterim singulas, particulatim & metaphysicè aut etiam physicè vis discutere; tales certè sunt quæ falsitatis aliquam suspicionem ingenerare possint; sed si morali, id est, prudenti iudicio perpendantur, eas inuenies esse, cui tutò possis acquiescere, sine vllâ ulterioris indagationis aut examinis obligatione. Quod tum majorem locum habet, dum plures, ad veritatem rei confirmandam, rationes simul conspirant.*

B b b 2

Et

*Hæc certi-
tudo tanta
esse potest,
ut tollat
omnem
falsi suspi-
cionem.*

Et hæc quidem tot esse possunt ac tantæ , vt iis non solum pos-
sis , sed secundum prudentiæ regulas , etiam debeas plenam om-
nino fidem dare : sic vt ambigere eo in euentu , non tam sit ra-
tiones inuestigare , quam ineptire . Etenim an quisquam nostrum
dubitat Nortlinganâ pugnâ præclarissimam à duobus Ferdinan-
dis de Sueco relatam esse victoriam ? An quisquam in dubium fa-
nus reuocet , Valencenas felici prælio , Gallorum obsidione libe-
ratas ? quis inquam , de historiæ tam assertæ veritate , suspicio-
nen mouet vel minimam ? Et tamen si singula perscruteris quæ
fidem fecerunt , ea esse comperies , quæ sine vlo miraculo , aut
naturæ defectione potuerunt non esse , atque adeo & fallere . Ete-
nim potuit fieri vt numquam fuerit Nortlinga aut Valencenæ : po-
tuere numquam extitisse Ferdinandi aut hostes , quos credimus
debellatos ; potuerunt singulæ , quæ victoriam propalarunt , factæ
esse litteræ , historiæ poslunt esse mendaces , mendaciisque con-
uincuntur quæ plurimæ . Et tamen de totâ re nemo jam dubitat ,
nemo falsi suspicione tangitur , omnes de his similibusque euenti-
bus , certos se esse asserunt : & aut peregrinum hominem rerum
que nostrarum ignarum penitus , aut certè emoti cerebri judica-
remus eum esse , qui rei certissimæ , dubitationis næuum , nimiâ
indagandi curâ , conaretur affricare : non enim in rebus quæ
mores hominum concernunt , demonstratione Mathematicâ , sed
prudenti humanoque judicio ponderanda est veritas ; ac denique
elicienda est certitudo .

*Certitudo
moralis
gratia ob-
tentia , tollit
omnem a-
fflualem
formidi-
nem de op-
posito :*

Ita prorsus , quamuis fatear rationes quæ pœnitentem de ob-
tentâ peccatorum veniâ , & quemuis hominem defelicissimo Gra-
tiæ statu securum reddunt , esse ejusmodi , vt ad Matheſeos , Me-
taphysicæque rigorem expensæ , dubitationis aliquid possint af-
ferre ; ac sic de rei veritate absolutè quis posset Mathematicè aut
Metaphysicè dubitare ; tamen tales quoque sunt , vt moraliter ,
id est , prudenter dubitare quis non debeat : imo nonnumquam
tot ac tantæ , vt ne quidem ambigere prudenter posse : non enim
prudenter agere censendus est , qui humani moris metas atque
ordinem prætergreditur . Animaduertenda est itaque sedulò , vt
res hæc percipiatur penitiùs , Tridentini quam num. 46. attuli
ſententia . Afferit enim quemlibet dum ſeipſum ſuamque propriam
infirmitatem & indiſpositionem reſpicit , de ſuâ gratiâ formidare &
timere posſe , non tamen docet Concilium , formidare & timere
quod

39.

40.

quod debeat. Formidare quilibet quod possit, ex eo capite probat quod numquam tanta sit certitudo, ut Fidei diuinæ certitudinem attingat, cui numquam potest subesse falsum. Nihilominus tamen inquit celeberrimus ille Theologus Franciscus Suarez,
Suar. ibid. n. 10. addendum est, tantam esse posse hanc certitudinem, ut regulariter ac moraliter excludat actualē formidinē. Hoc bene notauit Valentia dicit sequitur Vasquez. dicit declaratur ac probatur. Nam aliud est non posse formidare, quod in priori dicto (scilicet dum quereretur an certitudo hæc sit Fidei) negamus; aliud non formidare; quod nunc affirmamus. Nam formidare actu, non est necessitatis, sed libertatis: dicit ideo licet quis possit formidare, nihilominus potest etiam non formidare, dicit ita assentiri absque evidentiâ, sine actuali formidine. Ita summus ille Theologus sanè peracutè.

41. Jam verò quia actualis illa formido excludi potest, per solam opinantis & salutis suæ certitudinem sibi afferentis peruvicem; per quam sit ut nolit de gratiâ obtentâ formidare, quamvis securitatis suæ rationes solidas afferre non possit; quæ quidem certitudo ex ipso subjecto oritur, quam supra num. 12. 13. diximus, non tam certitudinem esse, quam aut affectionem animi peruersam, aut intellectus ignorantiam, aut proteruiam voluntatis: tamen ut rectè pergit Suarez, *Alio modo contingit non formidare actu, ex efficacia motiuorum que valde determinant intellectum, dicit ita pacificant mentem, ut moraliter ac frequentius excludant actualē considerationem de possibiliitate falsitatis; dicit ideo regulariter, dicit sine temeritate excludat actualē formidinem.* Sic rationes quibus inductus Norlinganam victoriam credidi, eius sunt naturæ, ut ne in mentem quidem veniat, eas iterum ad examen esse reuocandas, aut quidquam iis fidei detrahendum. Et hoc modo dicimus, inquit Suarez, posse certitudinem Gratiae, actualē formidinem excludere, idque persuadent ea quæ s. sequenti dicturus sum. Sufficit enim ostendisse modò, certitudinem moralem de gratiâ obtentâ dari posse; & eam quidem, quæ formidinem falsitatis penitus omnem, è mente expellat.

42. Quod si denique quanta sit hæc certitudo exquiris, respondeo eam esse cui plane possis acquiescere, & quam rebus agentis sine temeritate ullâ, libere prudenterque possis adhibere. Sic ergo, & pro remissis peccatis, & pro gratiâ seu statu Filiorum Dei obtento, indubitanter & sine hæsitatione, Deo immensas Certitudo
hac per-
mituit om-
nes actiones
qua sunt
status gra-
tas ita.

B b b 3.

566 TRACTATUS DECIMVS SEPTIMVS

fas gratias agere: rursus, quasi qui in amicitiam Dei intimam admissus jam sis, familiariter cum Deo colloqui, tuasque & amicorum miserias exponere, nouos item fauores exorare iis fretus quos jam accepisti: rursus Sacraenta quæ statum gratiæ prærequirunt, sine vllâ cunctatione adire; denique ea agere tibi est licitum, quæcumque statui Filiorum Dei tam excelso & præclaro, ab amico Numine permittuntur. Quid vltra in hæc mortali vitâ exposcimus? aut in quos vsus majori certitudine, quæ ad præsum nihil conferet, indigemus?

*Tam certus
potest quis
esse sibi
condonata
peccata,
quim car-
tus est se
baptiza-
sum aut
ordinatum
Sacerdo-
tem.*

Quod si tamen mensuram aliquam huius certitudinis impotune exquiris, dicam cum Suarez. Valde probabile censeo, inquit, posse aliquem justum ad illum statum virtutis ascendere, in quo non ibid. n. ii. minus certò credat remissa sibi esse peccata actualia; quidm originalis: seu non minus certò credat aliquam Sacramentalem absolutionem validam in se fuisse d' habuisse effectum, quidm baptismum vel Ordinationem. Si ergo tam securus esse possit pœnitens de statu gratiæ recuperato, quam baptizatum se esse, aut si Sacerdos sit, legitimè sacro Ordine initiatum; non video quid requirendum sit vterius. Tam enim indubitam præ se potest ferre, Filium Dei esse se, eaque quæ statûs huius sunt agere, quam baptizatus quispiam gloriari se Christianum esse, illudque publicè profiteri; & quam Sacerdos potest sacra celebrare, & quæ dignitati illi singularia sunt munia exercere, honoresque sibi collatos acceptare, iisque sine vllâ injustitiæ suspicione frui. Atque hæc de certitudinē quæ pœnitentem Gratia adeptæ securum reddit, dicta sint. Videamus nunc quæ tandem sint rationes, aut ut vocant motiva, quæ certitudinem tam felicem, de suo statu ambigenti animæ solita sint conferre.

43.

§. I.



S. V.

Enumerantur rationes & signa ex quibus certitudo moralis gratiæ obtentæ elicetur; & mens de suo statu confirmatur. Ostenditur autem ea potissimum ex Conscientiae testimonio esse petenda. Respondetur item ad quasdam dubitationes ex certitudine Absolutionis, Confessionis & Contritionis emergentes.

44. Nolo jam multis contendere ut ostendam, supremam quādam Conscientiæ auctoritatem à Deo esse attributam, cui dum mens sincèrè acquiescit, nequidquam de Dei voluntate exequendā est sollicita, cùm alia non sit voluntas Dei, quām quæ tibi à Conscientiâ exhibetur. Jam dudum ista exposuimus: vti & Conscientiam Deo à secretis esse; ab eâ exquirendum, si scire desideras quo loco apud Deum sint res tuæ: denique Conscientiæ standum testimonio, eique acquiescendum penitus. Neque verò timendum est, ne fortasse mentiatur; id enim non videtur posse fieri, sibi mentiri vt queat. Possetne enim jndicare quis, se nihil quidquam judicare, cùm reipsâ judicat? Minimè inquis. Atqui testimonium Conscientiæ, vti diximus, actus est iudicantis animæ: & mentiri Conscientiam, non est falsum de rebus ferre judicium, sed dicere sibi se judicare quod non iudicet. Hoc autem sibi dicere mens non potest; iudicaret enim se non judicare dum iudicat; & sic ferret judicium de eādem re & non ferret. Quæ duo, vni actui vnam eandemque rem pertractanti, non competit. Sibi ergo mentiri non potest Conscientiâ, nec fese fallere: id enim quod verè sincerèque de te iudicat, id verè es. Et si non sis, aut potius si non fueris, ita rāmen deinceps à Deo reputaberis. Testimonium igitur Conscientiæ si sincerum est, semper verum est: & si sincerum non est, Conscientiæ profectò non est, vti fusè Tractatu 2. sumus hanc rem persecuti.
45. A Conscientiæ itaque testimonio petenda cùm sint felicis in-felicisue statūs, victoriæ inquam à Dœmone relatæ cladisue ac-ceptæ

*Vox Con-
scientia
mentiri
non potest.*

368 TRACTATUS DECIMVS SEPTIMVS

*acceptam
nuntiantis
ad mulier
non intelligi
gunt.*

ceptæ nuntia, non erit abs re indagare quibus modis Conscientia rei bene actæ testimonium ferat, illudque varie confirmet ac stabiliat. Sanè Conscientia mentem suam sat claram enuntiat, & cuique in quo statu res sint animæ, aperte declarat: sed prout homines hâc de re video admodum sollicitos, vehementer suspicor. Conscientiae testantis voces non intelligi, aut fidem non inuenire. Explicandas sunt igitur, ne forte negligantur.

*Prima vox
Conscientia
statum gra-
tie nun-
tiantis, p. r.
sens peccati
horror.*

Primo enim an non testatur tibi Conscientia; id est, an non sincere judicas abominari te quæcumque scelera; atque animo sic constitutum te, ut mortem potius stet oppetere, quam lethali in injuryâ Deum offendere? hoc si Conscientia attestetur, sine dubio inquit Basilius ut supra num. 5. exposuimus, credat se liberum esse à peccatis. Quis id afferit? ea ipsa qua tibi non adhucere cor prauum, fidem facit Conscientia. Non dubitet sibi adesse Deum, qui timet & cauet mortalitatem, inquit spiritualium rerum expertissimus Taulerus.

*Secunda
vox pre-
vitorum
scelerum
sincera
Confesse.*

Secundo, an Conscientiae testimonio tibi non constat, vetera à te commissa scelera detestari te? an non afferit bona fide examinata, discussa, confessâ omnia? an quidquam eorum, sponte & ex condicione, inuolutum est silentio? denique an alicuius te tecti criminis reum, reprehendit nunc Conscientia? Si tacer, si pacate agit, sanè bona nuntiat. Charissimi, si non reprehendebat nos cor nostrum, fiduciam habemus ad Deum, inquit D. Joannes. Reuelationibus Diuinis gausus est Joannes; ab iis tamen fiduciam suam securitatem cum non peteret, non dubitat eam Conscientiae se se non reprehendentis testimonio concredere, & viuere securus sui.

*Tertia vox,
diurna
à mortali
peccato ab-
sidentia.*

Tertio, an non etiam fidem facit, te multo jam tempore, mensibus nempe aliquot, innocentem vitam duxisse, sic ut nullo mortali scelerete contaminaris? venialia verò si quando committis, an non aliquo, non importuno tamen, tædio afficeris, quod quidem quietem tibi interturbari persentiscis, nec animo tranquille esse; donec aut Contritione, aut exomologesi, offenso Deo satisficeris? hæc si ita sint, clariora longè habes argumenta, quibus acquiescas: confirmatoria sunt hæ litteræ & maximè authenticæ. Da mihi animam, inquit D. Bernardus, cui viuere Christus non tantum sit, sed & jam diu fuerit non ambi- D. Bern. serm. 69. go sponsum adesse. En quam constanter id asseueret Sanctus Pa- in Cant. ter,

46.

47.

Taulerus
aoud Blo-
sum de
Consol.
pusillam.
c. 19.9.2.

I. Ioan. 3.
v. 23.

48.

ter, quod propriâ jam dudum experientâ didicerat. Præclarissimum enim uero, tam diuturna à mortalibus peccatis abstinentia, amicitiæ Diuinæ jam obtentæ est indicium: neque enim tam ingentes singulareisque gratiæ, quibus ad uitanda tanto tempore lethalia crimina mortalis indiget imbecillitas, facile dantur ei, qui inimicus est Dei; neque tam eximij fauores, amicitiæ veræ sym bola, hostibus conceduntur.

Quartò, an non singulari jam Deum amore complecteris?

49. an non ei supremam illam quâ gaudet, quæque perfectionem omnem in se includit, Diuinitatem, beneuolo animo gratularis? Quarta
vox, actua-
lis amor
Dei.
- D. Bern. sup.
- an non ei de gaudio quo semper fruitur applaudis? an non, quod verè amicorum est, optas inter homines famam & nomen tam amici Dei promoueri; & singulari etiam lætitia ipsemet afficeris, dum magna aliqua, reuerentiæ ipsi debitæ, facta est accessio? Hos sane si in te sinceri amoris motus percipis, minimè dubium est à Deo amari te. Quid autem est sic amari, quam statum gratiæ seu amicitiæ Diuinæ attigisse? Neque fallaciam hic aliquam reformida, inquit Bernardus, nam Christo desponsa anima non dubitat se amari, que amat. Verum, amabo te Bernarde (video enim te tuos amores in sponsâ describere) an aliqua forsan amoris reciproci, per reuelationem, tibi data est securitas? Minime inquit: quidquid scio, Conscientiæ testimonio didici: testator illa me amare. Quid deinde? igitur & amari. En melliflui Bernardi verba: Non timeo quia amo. Nihil dilecta timendum: timeant qui non amant. Quid ni enim assiduæ inimicitias suspicentur? Ego vero amans, amari me dubitare non possum, non plus quam amare; nec possum vereri vultum, cuius sentio affectum. Non poterat Bernardus magis apta proferre, aut quæ magis sint ex genio amoris, id est ex naturâ amantis Dei. Si enim amoris reciproci incitamentum est amor amato impensus; an ab homine se superari amore patietur is, qui amoris omnis auctor est & origo? an qui auersum à se peccatorem non est auersatus, redeuntem jam repellat? amat peccator; & oderit amantem Deus? Quasi vero Amoris leges ignoraret is, qui totus amor est. Quasi vero, inquam, humanitatem omnem exuisset is, qui humanam Carnem induit, tantum ut esset humanus. Non dubitet ergo se amari, qui amat. Aut si dubitat, nescit profectò amare quid sit. Nouit id Bernardus, & amore suo se inuolgens, amore fruitur, & deliciis

Cccc

ciis

ciis perfluit innocentissimis.

Quinta vox mentis dum è Sacro Tribunal, Confessione, vt tibi videbatur, fide optimâ ritè peractâ egrediebare, animum sensisti, gaudio quodam, subsequens voluptateque insolitâ demulceri? an non exilire tibi cor, mentem serenari, depulsisque terroribus malaciam optatissimam turbato animo expertus es redire? Expertus si es, certè gratulor; reconciliationis cum Deo initæ, non quidem necessaria, sed dum obueniunt, certissima hæc sunt argumenta. Ita certè Tridentinum statuit: *Sanè verò res Ð effectus hujus Sacramenti, quantum ad eius vim Ð efficaciam pertinet, reconciliatio est cum Deo; quam interdum in viris pijs, Ð cum deuotione hoc Sacramentum percipientibus, conscientie pax, ac serenitas, cum vehementi spiritus consolatione consequi solet.* Hæc verò si in te persensi, quid adhuc de reconciliatione obtentâ dubitas, dum fructus ipsos percipis, qui à tali tantummodo radice possunt effluere & enas ei?

50.

Necdum tamen tam claris obtentæ gratiæ argumentis vti video, acquiescis; caput moues: & vt omnia quæ hic attulimus vera sint, inquieres, semper tamen incertus hæreo, an Confessionem ritè instituerim, an actum veræ Contritionis elicuerim, denique an Absolutio à Sacerdote legitimè sit impensa. Benè est; nodum, in scirpo quæris, & in Sole maculas: statutum est, inquam tibi de re clarissimâ dubitare. Vt tamen scrupulum omnem eximam, ab Absolutione incipio. Potuisset illa, illegitimè fuisse collata, aut jurisdictionis, aut bonæ mentis, seu intentionis defectu. Fateor, sic est. Audi nunc sapientissimum Franciscum Suarezem. *Si quis in Suar. sup. cursu longi temporis, varijs multisque Sacerdotibus confessus est; Ð de nullo illorum habet rationem vel occasionem suspicandi, vel quod ritè ordinatus non sit, vel quod intentionem absoluendi non habuerit:*

51.

tunc licet generatim loquendo, in uno vel alio possit defectus seu deceptio timeri; tamen mortaliter videtur impossibile, quod inter tot ministros, nullus fuerit Ð verus Sacerdos, Ð fidelis in ministrando. Ita visum est Suarezio, & omni prudenti homini sic videbitur. Quid deinde inquieres? Dicam. Quod si aut jurisdictionis aut bonæ voluntatis defectu, illegitima fortasse fuerit aliqua Absolutio; per primam quæ deinde tibi impensa est legitimè, omnia quæ illegitimæ Confessioni (quam tamen bonâ fide existiasti legitimam) exposita sunt crimina, assero esse ritè condonata. Quid hic jam dices?

Respondetur ad obiec-
tionem petitam ex
defectu ju-
risdictionis
aut inten-
sionis Sa-
cerdotis ab-
soluentis.

Quocunq;
bona Abfo-
lution, debet
omnia pec-
cata, que in
precedenti-
bus Confes-
sionibus de-
fectu iudicis
non sunt
condonata.

dices? aut imprudenti hæsitationi tuæ quid prætendes? Dic sanè ne pergas imprudenter agere, Sacerdotes omnino omnes, ex condicto conspirasse, vt te vnum non absoluissent. Hoc inquam apud te statue, & si potes risum tene.

52. At verò, inquies, forsitan non omnia à me commissa crimina exposui. Antiquum obtines; pergis tibi esse importunus. Dudum ad hæc respondi: brevibus aliqua repeto, quod hic locus exigat. An sponte aliquid reticuisti? Minimè inquies; fassus sum quæ sciebam scelera: sed postea occurrit nouum. Benè est; occurrerit. At verò, an certò tibi constat, id Clauibus non subjectum, seu non confessum te? Si ita sit, illud nunc confitere, & salua sunt omnia. An reliqua sunt reiteranda, & noua instituenda Confessio? Minimè gentium: effectum sortita est prima Absolutio, & quæ prolata sunt crimina condonavit; quæ verò bonâ fide omisla fuerant, secunda eluit. Quod si autem tantum dubitas an ea quæ modò occurrunt confessus sis, neque certò potes judicare, an sponte à te fuerint prætermissa; certò & indubitatim statue, ea te legitimè exposuisse Sacerdoti. Tam enim Christianus fuisti à viginti annis quām sis modò; & tam sedulò tibi confitenti erat propositum, Deo & Conscientiæ satisfacere, quām sit modò. Ecce cur igitur quæso te sacrilegij jam condemnas? aut quod tibi jus in te est, judicandi te fuisse sacrilegum, ijs de cauiss, ob quas id de alio, sine temeritate ne quidem posses suspicari? Acquieuit olim Confessioni tuæ Conscientia; sententiam pro te dedit, dum res ferebat, & cauissa cum circumstantijs omnibus recenter proposita id exigebat: multa nunc memoriæ exciderunt ad rem decernendam quæ facerent. itaque supersedendum est nouo iudicio, & veteri sententiæ acquiescendum est omnino. Scis te confessum; dubitas an sincerè, & validè: itaque dubitationem excute, & dic, quod à te factum est, factum benè. Nam vt prudenter juris Glossa: *Si constet aliquem actum interuenisse, potius est ut validus quam ut irritus pronuntietur.* Inutila autem esset Confessio, cuius integrati, peruersa voluntas quidquam suā sponte detraheisset. En rursus dubitationes omnes quæ ex Confessione obiuoluebantur, penitus decisas & complanatas.

53. Non tamen complanata sunt omnia inquies: de Contritionis *Moraliter fieri non posse, ut qui multos citari* enim, aut etiam Attritionis actu, numquam possum certus esse, supernaturalis cùm sit; atque adeò non tantum à solâ naturâ ex-

Glossa I.
de contra-
hendo π.
de Reg.
Iuris.

Reponde-
tur ad de-
fēctum qui
timetur in
Confessiō
irrepsisse.

*Si dubitas
an benè sis
confessus,
statue cer-
to, benè
confessum
te.*

Charitatis citari nequeat, sed nec percipi quidem aut intelligi, is qui elicatur supernaturalis an sit. Atqui si supernaturalis non est, nulla datur pœnitenti gratia. Quam ergo mihi certitudinem de obtentâ veniâ possum asserere, qui securus esse non possum, de posito veniæ fundamento? Videtur hæc ratiocinatio ignauæ aliquorum diffidentiæ, aliquantulum patrocinari. Sed respondeo non difficilius

argumentum hoc dissolui, quām quōd num. 51. de Sacerdotiis absoluētis dubiâ jurisdictione proponebatur. Quamuis enim in singulis actibus Contritionis elicitæ, fatear relinqu dubium, an debitam perfectionem attigerit; hoc certè, an inter multos, quos citra controvërsiam exercueris, semper acciderit, sic ut numquam legitimus Contritionis actus illus sit elitus, non potest prudenter dubitari. Etenim mihi facile fateberis, sèpiùs deinde, aut in Confessionibus, aut in adeundâ Sacré Synaxi, aut in precibus familiariùs cum Deo dum agis, aut dum cubitum concedis, aut dum pro recepto beneficio persoluis gratias, aut Diuinæ bonitatis memoria dum recurrit, inter dulcia suspiria pœnituisse te tantam bonitatem quod offenderis; aut etiam ad excitantum Dei tam boni & super omnia diligendi amorem, fuīle enīsum. Hoc si ita est, en rursus Suarezium, dubitationem omnem ^{Suar. ibid.} argumentumque propositum dissoluentem. Si ponamus, inquit, ^{n. 7.} hujusmodi hominem sepius in vitâ, vel quotidiè per multum tempus, iterare actus Contritionis, faciendo quantum in se est, dicit quantum ipse assequi potest perseverando diu sine Conscientiâ peccati mortalis; non videtur possibile, quin aliquando veram Contritionem eliciat; suppositis principijs certis de Gratia Dei, dicit promissionis eius quas habemus.

Hinc qui bona fide semper confessus est, curret non tam anti-qua peccata repetere, quam nouâ de omnibus contritione excitare. Luculentum sanè tanti Theologi effatum, quodque cōpescendis infinitis animi semper fluctuantis tempestatibus, est accommodissimum. Etenim manifestum nunc est, de præteritarum Confessionum bonâ fide exactarum, neminem umquam, ne in vitâ quidem termino, debere esse sollicitum: id est, consultum non esse, peccata rursus particulatim repetere, & quasi si numquam aut si male fuerint exposita, denuo enarrare: hæc inquam necessaria non sunt. Enitatur ergo, non singula confiteri, sed generalem de omnibus omnino peccatis præteritis Contritionem, aut perfectæ Charitatis, aut Attritionis in Sacramento Pœnitentiæ actum exercere: & tam supplebitur defectus, aut error bonâ fide

54.

fide in aliquâ præteriorum Confessione commissus , quâm si singula totius vitæ peccata repetantur . Nescio quid ad confirmandum hominem dici possit luculentius ? aut quid præter moralem hanc certitudinem , quam omnia hæc quæ enarrauimus , præsertim simul concurrentia adferunt , humana curiositas ultra prudenter desiderare possit : nisi fortè jam cœlum ipsum occupare quis velit , ejusque possessionem adire , vt obtentæ demum gratiæ certus sit . Verum , rem ne præcipita quisquis es : aderit aliquando dies optatissima . Interim cœlo fruere , quod Conscientia bona & mortalis hæc vita fert .

§. VI.

Respondetur ad auctoritates sacrae Scripturæ , quibus omnis certitudo obtentæ gratiæ , videtur elidi .

55. Illud tandem restat , vt Sacrae Scripturæ testimentijs quæ num . 9 . retulimus , quæque certitudinem omnem gratiæ obtentæ videbantur elidere , faciamus satis .

Eccles. 9 .
9 . Et primum quidem ex Ecclesiaste petebatur . Sic habet . **Nescit homo an amore an odio dignus sit , sed omnia in futurum seruantur incerta .** Verba si attendis , conclamata est res . At sensum si inquiris , non est quod exhorreas : neque enim Spiritus Sancti , aut vox , aut mens , sibi potest esse contraria . Scientiam ergo , & certitudinem quam falli sit impossibile , excludit Ecclesiastes : eam nempe quæ sit Fidei , & cui , vt Tridentinum exactè definit , *non posset subesse falsum* : non verò negat eam dari certitudinem , quam morale dicimus , & quam ex conjecturis eiusmodi educimus , quæ licet Metaphysicè expensæ , præsertim seorsim singulæ , possint fallere ; tamen conjunctim quasi confederatae , nullam admodum humano modo , id est , prudenter expendenti omnia , relinquunt D. Aug. in falsi suspicionem . Nam vt rectissime D. Augustinus , *est quidam modus in Conscientiâ gloriandi , vt noueris Fidem tuam esse sinceram , noueris Spem tuam certam , noueris Charitatem tuam esse sine simulatione .* Quid deinde ? Dicit id D. Cyprianus . *Viget apud nos , inquit , Spei robur , dicitur firmitas Fidei ; dicitur inter ipsas seculiruinas , erecta mens est , dicitur immobilis virtus , dicitur de Deo suo semper anima secura .* Quâ freta certitudine ? cā nempe quæ non sit Fidei ; id est , quæ Deo potestatem absolutam , omnia inuertendi adi-

Exponitur
locus Ec-
clesiasta .

Cccc 3 mat ,

mat; sed quæ homini fiduciam omnem præstet, nec de Dei bonitate vel per umbram quidem sinat dubitare.

locus Ecclæsiastici exponitur tripliciter.

Secundum ex Ecclesiastico intorquebatur telum. Clarissimis 56.
enim verbis dicit, *de propitiato peccato noli esse sine metu.* Miror
sanè passim locum hunc adferri, & quasi magni sit ponderis,
magnifice semper appendi & expendi, ab iis qui pusillanimitatis
suæ & diffidentiæ querunt patrocinium. Nihil enim minus hic
dixit Ecclesiasticus, quam quod ipsi sibi singunt. En sensu &
quidem triplicem, quorum nullus ad rem ipsorum facit. Animus,
si placet, aduertite.

Ecclesiast. v. 5.

Prima expositio.

Primò enim, dum Ecclesiasticus monet, ne quis de propitiato peccato sine metu sit: non dicit metueendum esse, ne forte condonatum non sit, vt quidam id intelligunt. Minime vero: aduersaretur enim sibi ipsi hæc propositio, & se destrueret. Quid enim? si propitiatum sit peccatum seu condonatum, quo pacto prudenter vult me metuere factum non esse quod tamen factum statuit? Profectò non planè sanum sibique cohærens videatur dare consilium quisquis diceret, Condonatum est tibi commissum scelus, sed metue condonatum vt ne sit. Quid enim deinceps metuam, si tota metu ablata est occasio? Dico igitur, metum quem hoc loco commendat Ecclesiasticus, non ad peccata præterita, sed ad futura cauenda, esse referendum, vt mox ostendam. Interim si etiam ad præterita placet applicare, tum sanè assero, non de culpâ penitus remissâ (propitiatum enim peccatum, seu culpæ gratiam factam esse ipsissima propositionis est hypothesis) sed de pœnâ peccatis debitâ, sermonem hinc esse. Quasi si dicat; propitiato peccato, id est condonata jam culpâ, noli esse sine metu pœnæ, pro quâ fortasse à te factum non est fatis: præstandæ hæc autem sunt, ne juris sui tenax Deus, eas aut in hæc vitâ, aut in futurâ seuerus exigat.

Seconda expositio.

Secundò, si ad præterita peccata trahatur propositio; alter hic sensus esse potest, & commodus. *De propitiatio peccato noli esse sine metu,* non an propitiatum sit, sed ne vestigia forte, deliciarumque degustatas reliquias animo impresteris; vnde contracta sit peccandi consuetudo, quæ facile rursus in luctus tuos profiliret, itaque peccato condonato, peccati reliquias time, & timendo sapies.

58.

Tertia expositio.

Tertiò tamen, hæc verba omnino ad futura existimo referenda esse

59.

esse scelera; quasi si dicat; Peccator, quamuis misericordem Dominum sis expertus, noli tamen esse sine metu; id est ne licentiosius viue posthac: aut quidquam de salutis curâ remitte, aut sceleratè agere minus verè, quasi si tibi facilis scelerum condonatio præsto sit; neque magnopere timenda sit offensa, cuius tam parabilis & prompta est impunitas. Atque genuinum hunc esse sensum Ecclesiastici, præcedens, & sequens deinde orationis contextus, facit manifestum. Ita habet: *Ne dixeris, Peccavi, & quid mihi accidit triste? Altissimus enim est patiens redditor.* Atque hic subnectit, quasi consecutionem; igitur de propitiatio peccato noli esse sine metu, neque adiicias peccatum super peccatum. Id est, ne super remissum peccatum, temere & quasi per ludum, nouum adiicias; rationemque grauissimis verbis subdit, *Misericordia enim & ira ab illo cito proximant, & in peccatores respicit ira illius.* Id est, Deum ne irrita; tam enim ei facile est irasci, quām misereri: misericordia vero irritata, in iram degenerat; & patientia læsa fit tandem furor. Atque hunc esse proprium sententiæ huius sensum, clarissimè indicat textus Græcus, sic ut dubitationi non sit locus. Ita fert. *De propitiacione non sis securus multum, ut adiicias peccata peccatis.* En, quām propitiati peccati securitatem excludat Ecclesiasticus: eam nempe quæ ad peccandum liberam facit viam, non verò quæ peccati remissi certam faciat. Itaque quamuis de obtentâ gratiâ certus sis, tamen noli esse sine metu, ne fortè per inconstantiam, mentisue peruersitatem rursus relabaris: ne & pro ingrato animo puniaris atrociùs; & ne pro contemptâ Dei misericordiâ, quæ tibi impudentius peccandi fuit occasio, tibi aut per mortem subitam, aut per impœnitudinem animi & peruicaciam, subtrahatur tandem gratia à te toties, & tam improbè contempta.

60. Tertia denique auctoritas D. Pauli est quæ obiicitur. Admonet, inquit, Apostolus Philippenses *vt cum metu & tremore salutem suam operentur.* Sed quid deinde: aur quid exinde confis? an certos de gratiâ non posse esse nos, quasi qui de obtentâ semper debeamus esse incerti? Certe id non vult Apostolus: quinimo contraria innuit omnia. *Cum metu inquit & tremore salutem suam operentur;* igitur salutem suam operantes alloquitur. At verò quis salutem suam operatur, nisi qui Gratia statum obtinuerit? Manifestum est ergo Apostolum iis scribere; qui gratiæ dignitatem

*Exponitur
D. Paulus.*

*ad Phil. 2.
v. 12.*

dignitatem sunt assecuti, His autem quid commendat, quid suadet? an ut timeant se statum illum non obtinere quô fruuntur? Minimè verò; absconsa enim esset hæc oratio, & quæ fideliū mentes non erigeret, sed pessumdarèt. Et verò pro deridiculo haberetur, quisquis viatori rectam tenenti viam diceret, Recta est via, bona est via, & ad optatum finem ducit; eam tamen ita persequere, ut semper timeas, ne sis in viâ. Ridicula inquam esset hæc propositio, prudens tamē futura, si dixerit, Dum rectam viam tenes, time eā ne excidas.

*Non est
metuen-
dum de
gratiâ, ob-
senta an
sit, sed ne
perdatur.*

Hæc profectò mens est Apostoli; non vult eos qui salutem suam operantur, dubitare an id agant, sed metuere ne ab incepto deficiant: non vult de viâ formidare, an rectam teneant, sed cauere ne ab eā quam bene instituant, deflectant, & in avia ferantur præcipites. Itaque *cum metu & tremore salutem operâre*, id est, dum salutem operaris, quod nihil aliud est quam dicere, dum statum gratiæ obtines, metue. Quid verò metuam? in gratiæ statu non esse me? Nullâ ratione; sed metue ne tantam rem, per incuriam amittas. Sic pretiosissimam gemmam domum deferenti, non inconsulto dicitur, cum metu & tremore, domum abi. An tamen suadetur ut metuat, ne gemmam fortè non deferat quam tamen manu tenet, atque oculis videt? aut debet formidare, ne suppositium quid sit, & fictum gemmæ genus, quod à summo Rege, magnificentiæ ostendandæ causâ sibi publicè datum accepit? Sanè in Principis contemptum timor hic cederet, & vanus metus. Quidquid ei timendum suadetur, est, ne tam pretiosum monile amittat: itaque agendum caute, ne domumabiturus, in viâ perdat, quod in patriâ faciet fortunatum. Non secus, de charissimorum sibi filiorum salute follicitus Apostolus, metuere eos vult. Sciebat enimuerò, quam pretiosa sit Gratia, quam Christo, thesauros suos liberalitatis ostendendæ ergo, elargiente, singuli acceperant. Hinc eos admonet, sibi ut caueant, in viâ adhuc esse; thesauro suo metuant, ne à prædonibus spolientur, eumque omni conamine studeant domum deferre; cum timore & metu, id est solliciti, ne quidquam tam bonæ rei per incuriam amittatur.

*Testimonio
consciencia
fretus, tue-
securus ob-
tentia gra-
tie.*

Ex quibus omnibus istud tandem patet, quis habendus sit mestruus, & quæ certitudo. Conscientia tibi obtentæ gratiæ litteras dum porrigit, easque suo testimonio dum obsignat, eas supplex accipe;

61.

62.

D. Aug.
serm. 10.
ad frat.
de ere.

accipe; & cùm sint authenticæ, fidem habe, & viue securus
tui. Amicus Dei es; ab amico metuendum est nihil. Istud
tantùm metue, ne rursus gratiâ excidas, quæ tanti stetit; non
tam tibi, quâm sanguini innocentis Dei. Testimonium Con-
scientiæ tecum fers; eo fruere latus & alacer, sed cautus ser-
ua: æternitati enim scriptæ sunt securitatis datæ litteræ, nisi
tu neuis. Libet tandem exclamare cum D. Augustino. O Con-
scientia sancta! in terrâ adhuc es, & in celo habitas, Gaudie
anima, sancta Conscientia condecorata: gaudie cœlesti & æterna
gloriæ: cuius nempe pignus & arrha, est Gratia quam circum-
fers, Conscientiæ bonæ sigillo & testimonio obfirmata.



Dddd NONVM